



rezessionsmarsch (oder o resignationsmarsch)

Text: Hans Jürg Zingg / Melodie: Hans Jürg Zingg
Begleitimprovisation: Edwin Peter

aves louft wi gschmiert
aves louft wi gschmiert
aves louft wi gschmiert
keine reklamiert
jede gschpürt dr dorn im füdle nume nid drann umegrüble
jede resigniert
u aves louft wi gschmiert
aves louft wi gschmiert
aves louft wi gschmiert
keine reklamiert
jede treit syni wuet im ranze guet gäg d wuet isch suuffe tanze
prächtig amüsiert
u aves louft wi gschmiert
aves louft wi gschmiert
aves louft wi gschmiert
keine reklamiert
jede het dr fruscht ir pfyffe laht sech wyter d eier schlyffe
chrüpplet u pariert
u aves louft wi gschmiert
aves louft wi gschmiert
aves louft wi gschmiert
keine reklamiert
aus profitiert vom arbeitsfride zwar sy d ykomme sehr verschide
u mänge wird spediert
aber aves louft wi gschmiert
aves louft wi gschmiert
aves louft wi gschmiert
keine reklamiert
jede het dr gagg i de hose gly ghör o är zu den arbeitslose
jede resigniert
u aves louft wi gschmiert
aves louft wi gschmiert

aues louft wi gschmiert
keine reklamiert
jede nimmt u bruucht sy lohn u glotzet fromm i ds glotzofon
chrüpplet konsumiert
u aues louft wi gschmiert
aues louft wi gschmiert
aues louft wi gschmiert
keine reklamiert
jede macht sys militär wär wott de schliesslech scho nes gschäär
marschiert salutiert pariert
u aues louft wi gschmiert
aues louft wi gschmiert
aues louft wi gschmiert
keine reklamiert
jede zaut syni AHV bis dass er het erfüüt sys sou
usgchrüpplet usrangschiert
u aues louft wi gschmiert
aues louft wi gschmiert
aues louft wi gschmiert
keine reklamiert
die wos no nid het verwütscht di warte bis dr tod se tütscht
verchrüpplet deponiert
u aues louft wi gschmiert
aues louft wi gschmiert
aues louft wi gschmiert
keine reklamiert
aues louft wi gschmiert
aues louft wi gschmiert
aues louft wi gschmiert
wi gschmiert
wi gschmiert
wi gschmiert
pä pää päbä bä pä päää päbä
pä päbäbäbä bäääää pä bää

(1978)

Erstveröffentlichung: LP *Improvokazione*, 1982